



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 01-04-5444-2-1/20
Sarajevo, 12.3.2020. godine

SKUPŠTINA KANTONA SARAJEVO
n/r Dr. Mirze Čelika, Predsjedavajući Skupštine Kantona Sarajevo
-ovdje-

PREDMET: Odgovor na zastupničko pitanje

Na 21. Radnoj sjednici Skupštine Kantona Sarajevo, održanoj 25.2.2020. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, zastupnica Vildana Bešlija je postavila sljedeće zastupničko pitanje: „U kojoj fazi je realizacija usvojene inicijative za uvođenje skraćenog programa prekvalifikacije i dokvalifikacije za sticanje stručnih zvanja iz popisa tradicionalnih i starih obrta u srednjim strukovnim školama“?

ODGOVOR

S obzirom da se predmetna inicijativa treći put dostavlja Ministarstvu, u formi zastupničkog pitanja, informišemo Vas sljedeće:

kao što Vam je poznato, Uredbu o utvrđivanju vlastitih prihoda, načina i rokova raspodjele („Službene novine Kantona Sarajevo“, br: 51/16 i 24/18) je potrebno usaglasiti sa Zakonom o obrazovanju odraslih, jer Uredba nije usklađena sa ovim zakonom.

Naime, Uredbom je predviđeno da se sva sredstva ostvarena realizacijom programa obrazovanja odraslih, tretiraju kao budžetska sredstva i školama se ne garantuje pokrivanje troškova u realizaciji ovih programa, kao ni isplate članovima komisije za polaganje ispita.

Iz navedenih razloga, srednje škole koje su registrovane za djelatnost obrazovanja odraslih ne realiziraju programe obrazovanja odraslih.

Ministarstvo za obrazovanje, nauku i mlade Kantona Sarajevo je u nekoliko navrata iniciralo kod Ministarstva finansija izmjenu navedene Odluke, ali je Odluka do danas ostala u ovom dijelu nepromijenjena.

Ministarstvo u ovom trenutku ne raspolaze informacijom da li su određena srednje škole stupila u kontakt sa poslodavcima koji su zainteresirani za izradu ovih programa, što ne znači da se saradnja nije desila.

Naime, škole su, u skladu sa Zakonom, dužne Ministarstvu dostaviti programe na akreditaciju, što bi u ovom slučaju značilo da je zastupnička inicijativa Vildane Bešlije podržana.



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



U slučaju akreditovanja navedenih programa u Ministarstvu, informisaćemo Vas u kojoj srednjoj školi/školama je akreditovan program prekvalifikacije za sticanje stručnih zvanja iz popisa tradicionalnih i starih obrta u srednjim stručnim školama.

U narednom periodu, Ministarstvo će ponovo pokrenuti inicijativu za izmjenu Uredbe o utvrđivanju vlastitih prihoda, načina i rokova raspodjele.

S poštovanjem,



Materijal pripremila: Husić Lamija



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

